



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za vanjske poslove

Broj: 01,2-011-1367-05/02

Sarajevo, 06.01.2003.godine

ZAPISNIK

Sa treće sjednice Komisije za vanjske poslove

Sjednica je održana 03.01.2003.godine sa početkom u 09.00 sati.

Sjednici su prisustvovali sljedeći njeni članovi: Martin Raguž, Sead Avdić, Izet Hadžić, Milorad Živković, Vinko Zorić i Nenad Mišić.

Odsutni su bili: Azra Hadžiahmetović, Seada Palavrić i Jelina Đurković.

Sjednicom je predsjedavao Martin Raguž, predsjedatelj Komisije za vanjske poslove, a zapisnik je vodila sekretar Merdžana Iglica.

Predsjedatelj Komisije za vanjske poslove predložio je sljedeći

DNEVNI RED

1. Verificiranje zapisnika sa 2. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 23. decembra/prosinca 2002.godine;
2. Razmatranje Prijedloga Radnog plana Komisije za vanjske poslove Zastupničkog doma Parlamentarne skupštine Bosne i Hercegovine za 2003. godinu;
3. Razmatranje Izvješća o stupnju ispunjavanja obaveza koje Bosna i Hercegovina ima prema Vijeću Evrope i drugim međunarodnim institucijama u 2003. godini;
4. Davanje mišljenja o suglasnosti za ratificiranje:
 - a) Međunarodne Konvencije o suzbijanju financiranja terorizma;
 - b) Ugovora o slobodnoj trgovini između Bosne i Hercegovine i Republike Turske;
 - c) Ugovora o slobodnoj trgovini između Bosne i Hercegovine i Republike Makedonije;
 - d) Sporazuma o unapređenju i recipročnoj zaštiti investicija između Bosne i Hercegovine i Kraljevine Španije;
 - e) Sporazuma o unapređenju i recipročnoj zaštiti investicija između Bosne i Hercegovine i Češke Republike.
5. Tekuća pitanja.

Dnevni red je jednoglasno prihvaćen uz sugestiju da se 3. tačka odloži za narednu sjednicu Komisije, te da ta sjednica bude tematska i isključivo posvećena razmatranju Izvješća o stupnju ispunjavanja obaveza koje Bosna i Hercegovina ima prema Vijeću Evrope i drugim međunarodnim institucijama u 2003. godini kao i da se nastoji obezbijediti prisustvo svih relevantnih faktora koji su angažirani na ovom poslu, te prisustvo javnosti.

Ad.1. Komisija je razmatrala zapisnik sa 2. sjednice Komisije za vanjske poslove Zastupničkog doma Parlamentarne skupštine BiH i jednoglasno ga prihvatila;

Ad.2. Komisija je razmatrala Prijedlog Radnog plana Komisije za vanjske poslove Zastupničkog doma Parlamentarne skupštine Bosne i Hercegovine za 2003. godinu i konstatovala da je on temeljit, sveobuhvatan i zahtjevan po svojim sadržajima.

Predsjedatelj Komisije, g. Raguž je dao sugestiju da je Plan potrebnih međudržavnih sporazuma i ugovora koje treba potpisati u tijeku 2003. godine i Plan drugih aktivnosti na bilateralnom planu sa pojedinim zemljama potrebno u koordinaciji sa Vijećem ministara sačiniti u prvom tromjesečju, konkretnije odmah po formiranju Vijeća ministara, a ne u drugom tromjesečju kako je naznačeno u Radnom planu. Također je naglasio neophodnost ubrzanih aktivnosti u okviru konsultacija i koordinacije Kolegija Zastupničkog doma i Komisije za vanjske poslove u odnosu na prijedloge sastava delegacija i parlamentarnih skupina za međuparlamentarne i protokolarne susrete Bosne i Hercegovine.

Informacija o odnosima sa Interpolom i obavezama BiH koje se odnose na putne isprave i kretanje stranaca treba se naći u sadržaju Radnog plana za 2003. godinu odmah, a ne u posljednjem tromjesečju.

G. Živković je ocijenio da je Radni plan Komisije za 2003. godinu širok i da ima veliki dijapazon djelovanja, da je podložan promjenama u skladu sa aktuelnostima koje to zahtijevaju te je predložio da se na narednu sjednicu Komisije pozove, ako je moguće, prethodni predsjedatelj Komisije za vanjske poslove koji bi sadašnjem sastavu Komisije podnio Izvještaj o radu u prethodnom mandatnom periodu, ali ostali članovi Komisije su ocijenili da to nije neophodno.

G. Avdić je apostrofirao da Izvješće o izgradnji unutarnje organizacije i organizacije DKP mreže sa posebnim naglaskom na implementaciju projekta o ekonomskoj diplomaciji i utvrđivanju kriterija za racionalizaciju DKP mreže i ocjenu uspješnosti njenog rada treba iz drugog tromjesečja prebaciti u prvo, na razmatranje u periodu od januara/siječnja do marta/ožujka 2003. godine.

Komisija je također razmatrajući Prijedlog Programa rada za 2003. godinu ocijenila da pri realizaciji zacrtanih sadržaja treba osigurati učešće svih relevantnih čimbenika na koje se odnosi ovaj Plan rada i zadaci navedeni u njemu.

Komisija je na kraju, precizirajući termine i rokove nabrojanih sadržaja Programa rada za 2003. godinu, jednoglasno usvojila ponuđeni Radni plan Komisije za vanjske poslove za 2003. godinu.

Ad.3. Komisija za vanjske poslove je dala svoje mišljenje da su ispunjeni uvjeti da Zastupnički dom Parlamentarne skupštine BiH na svojoj sjednici, 03.01. 2003. godine da suglasnost za ratificiranje sljedećih dokumenata:

- a) Međunarodne Konvencije o suzbijanju financiranja terorizma;
- b) Ugovora o slobodnoj trgovini između Bosne i Hercegovine i Republike Turske;
- c) Ugovora o slobodnoj trgovini između Bosne i Hercegovine i Republike Makedonije;
- d) Sporazuma o unapređenju i recipročnoj zaštiti investicija između Bosne i Hercegovine i Kraljevine Španije;
- e) Sporazuma o unapređenju i recipročnoj zaštiti investicija između Bosne i Hercegovine i Češke Republike.

Ad.4. Pod tekućim pitanjima iznešena je sugestija predsjedatelja Komisije da bi bilo dobro uvesti praksu organiziranja sjednica Komisije za vanjske poslove kada se održavaju sjednice Zastupničkog doma zbog povezanosti sadržaja sjednica, što su članovi jednoglasno prihvatili. Naravno, sjednice Komisije će se održavati i svaki put kada se za to ukaže potreba.

Vedran Hadžović, sekretar Zajedničke službe Parlamentarne skupštine BiH, koji je prisustvovao jednom dijelu sjednice, obavijestio je članove da je potrebno formirati, pored već postojećih delegacija, u ranijem sazivu, u Parlamentarnoj skupštini Vijeća Evrope, Parlamentarnoj skupštini OSCE-a, Centralno-evropskoj inicijativi (CEI) i Interparlamentarnoj uniji (IPU), i novu delegaciju Parlamentarne skupštine BiH u Evropskom parlamentu. Također treba formirati međuparlamentarne grupe prijateljstva jer za to postoji interes mnogobrojnih zemalja kao i već ustaljena praksa u međuparlamentarnoj komunikaciji.

Članovi Komisije su upoznati i sa informacijom da će Parlamentarna skupština BiH od 05.-07.marta/ožujka 2003. u Sarajevu biti domaćin sastanaka Monitoring Komiteta Parlamentarne skupštine Vijeća Evrope, Komiteta za politička pitanja Parlamentarne skupštine Vijeća Evrope te Kolokvija u organizaciji ovog Komiteta s glavnom temom: «Razvoj demokratskih institucija u Bosni i Hercegovini» za koje će sekretar Komisije pripremiti iscrpnije informacije.

Sjednica je završena u 10 sati.

Zapisnik sačinila:
Merdžana Iglica, sekretar Komisije

Predsjedatelj
Komisije za vanjske poslove
Martin Raguž s.r.